

թեան դուրս են «Եւրոպականացած» նոր թիւրքերը, նրանք՝ որոնք իրենց հասարակական ու քաղաքական դադարներն իբր թէ քաղել են էնցիկլոպետիստներից, Վոլթերից, Բուսսոից և Քրանսական Մեծ Յեղափոխութիւնից, ջարդը ուող անմեղների թիւր անցնում է միլիոնից... Թիւրք պատմութեան փիլիսոփայութիւնն է այս յարաճուն արիւնը, եւ դա միակ յառաջադիմութիւնն է իրար յաջորդող օտոմանեան սերունդների:

Զարհուրելի փաստ է թիւրք ժողովրդի բարոյականի ու մտայնութեան համար ջարդերի այս յարաճուն ուժգնութիւնը: Ժամանակներն առաջանում են, ազգերը քաղաքակրթական տապարէզներում հրաչքներ են գործում. իսկ թիւրքիայում քանի բազմանում են մտաւորականները, քանի աճում են քաղաքակրթական ու մշակոյթի փորձերը, այնքան աւելի խոշոր խժդժութիւնների է մղում թիւրք ժողովուրդը:

Ահա այն արիւնոտ, դարչելի շաղախը, որով Ղազին փորձում է «նոր ազգ» կերտել:

Անդորայի այսօրուան վարիչների մէջ կա՞յ մէկը, որի ձեռքերը հայի արեան մէջ թաթախուած չլինեն:

Եւ ինքը՝ այդ փառահեղ Ղազին, որ այժմ Եւրոպական գլխարկ ունի եւ բեղէնդօզ, մի՞թէ նոյն այդ կասկածելի սերնդի մէջ չէ. Կարսի եւ Ղարաքիլիսայի ջարդերը, հայ ժողովրդի փերիշան վիճակը, նրա կայքի, գոյքի աննօրեայ թալանը Մուսաֆա Քեմալի իրական փառքն են կազմում թիւրք ժողովրդի աչքում:

Թիւրքիայում գործող ներկայ ամբողջ սերունդը սնուած, դաստիարակուած է ջարդերի հողերանութեամբ:

Հանրապետութիւնը ոչինչ չի փոխի:

Դա ծախսը շողշողուն ապրանք է դրսի աշխարհի համար:

Եւ վաճառքն սկսուած է Եւրոպական շուկաներում:

Թիւրք առաջին դեսպանը Ֆէրիդ բէյ, որ Փարիզ յայտնուեց հաշտութիւնից յետոյ, անհրճարին ցինիզմն ունեցաւ Յրանսայի հանրապետութեան նախագահի ընդունելութեան իր պաշտօնական ճառում յայտարարել, թէ «Թիւրք ժողովուրդը Արեւելքում Եւրոպական

քաղաքակրթութեան առաջապահն է»:

Գրեթէ միաժամանակ, 1925 թուին, թիւրք լուսաւորութեան նախարար Համդուլահ Սուբհի բէյ Պոլսի համալսարանում յայտարարում էր, թէ «ժամանակակից Թիւրքիան Արեւմտեան քաղաքակրթութեան առաջապահն է Արեւելքում... Թիւրքիան հզօր է այն հաստատութիւններով, որ նա վերցրել է Արեւմուտքից, ինչպէս իր դպրոցները, իր սպաները եւ իր կառավարութեան սկզբունքները»:

Իսկ Գօրինին պատասխանում է, թէ «բընութեան բոլոր դաշանները թիւրք կառավարութեան ան բամբեր են»...:

Եւ Մանդելշտամ, թէ թիւրք ժողովուրդը «տակաւին ստեղծագործող հողի շունի»...:

Աւա՛ղ, վայրենի բնազդները հրամանով չեն փոխւում, նոյնիսկ Ղազիի հրամանով:

Թիւրք ժողովուրդը ծովն է նետուել քեմալիզմի կամբով ԴըՖինների հետ լողալու համար, բայց աչքերը աւազուտ ակերից չի հեռացնում. թեւերը թափի թափ ու անձար հեւում է անծայրածիր ջրերի մէջ եւ ատում է իր հողում, ատում նրանց ում ճգնում է նմանիլ:

Թիւրքը ատում է Եւրոպան ինչպէս կըրկէսի կենդանին հանդիսականներին ու իր տիրոջը:

* * *

Ասացի, որ քեմալական հանրապետութիւնը իր Եւրոպական code civile-ով իր եկեղեցու ու պետութեան բաժանումով, իր արդիական կարգերով, իր ներքին աշխարհիկ օրէնքներով, իր խալիֆայութեան ու սուլթանութեան ջնջումով, իր Եւրոպական գլխարկներով սոսկ արտաքին շուկայի համար դրաւիչ ապրանք է: Մի դարուց ի վեր իւրաքանչիւր տասնքսան տարին մի անգամ թիւրք կառավարութիւններ կատարել են աշխարհը պատրելու այս փորձը:

Արդարեւ 1839 թուին հռչակուեց համբաւաւոր Թանդիմաթը. 1856-ին՝ Սաթթը-Հիւմայիւնը. 1876-ին՝ Միդհադ փաշայի Սահմանադրութիւնը. 1895-ին՝ հայկական բեֆորմների ծրագիրը. 1908-ին՝ Երիտ. Թիւրքերի Սահմանադրութիւնը:

Մենք տեսանք դրանց բոլորի հետեւան-